

# Adolygiad cyflym o effeithiolrwydd ymyriadau ar gyfer mynd i'r afael ag allgáu digidol mewn oedolion hŷn

Rhif Adroddiad RR0023 (Mawrth 2024)

## CRYNODEB GWEITHREDOL

### Beth yw Adolygiad Cyflym?

Mae ein hadolygiadau cyflym (RR) yn defnyddio amrywiad ar y dull adolygu systematig, gan dalfyrro neu hepgor rhai cydrannau i gynhyrchu'r dystiolaeth i hysbysu rhanddeiliaid yn brydlon gan gadw sylw at ragfarn ar yr un pryd.

### Ar gyfer pwy mae'r Adolygiad Cyflym hwn?

Awgrymwyd y cwestiwn uchod gan Gofal Cymdeithasol Cymru (SCW).

### Cefndir / Nod yr Adolygiad Cyflym

Oedolion hŷn yw'r gyfran fwyaf o bobl nad ydynt yn defnyddio'r rhyngwrwd. Gyda digideiddio cynyddol gwasanaethau, yn enwedig y rhai a ddarperir gan SCW, mae'n bwysig deall y ffordd orau o gefnogi oedolion hŷn i oresgyn yr heriau maen nhw'n eu hwynebu wrth gyrchu neu ymgysylltu â'r byd digidol (at ddefnydd personol). Nod yr adolygiad cyflym hwn oedd asesu effeithiolrwydd ymyriadau i fynd i'r afael ag allgáu digidol mewn oedolion hŷn (60 oed a hŷn). Gall allgáu digidol ddigwydd oherwydd problemau gyda chymhelliant (os nad yw pobl yn gweld pam y gallai'r rhyngwrwd fod yn fuddiol), hygyrchedd (methu â chyrchu'r rhyngwrwd yn gorfforol), gallu (diffyg sgiliau i ddefnyddio'r rhyngwrwd) neu fforddiadwyedd (methu â fforddio mynediad i'r rhyngwrwd) technoleg ddigidol.

### Canlyniadau

#### Adolygiad o'r sylfaen dystiolaeth

- Roedd yr adolygiad yn cynnwys tystiolaeth oedd ar gael hyd at fis Tachwedd 2023. Cyhoeddwyd yr astudiaethau sydd wedi'u cynnwys rhwng 2018 a 2023.

#### Maint y sylfaen dystiolaeth

- Cafodd 21 o astudiaethau cynradd cymharol eu cynnwys yn yr adolygiad cyflym: 3 treial dan reolaeth ar hap, 10 o astudiaethau dan reolaeth ar hap, ac 8 o astudiaethau ar ôl heb eu rheoli.
- Cynhaliwyd astudiaethau yn UDA (n = 6), Corea (n = 3), Canada (n = 2), Mecsico (n = 2), Awstralia (n = 1), China (n = 1), yr Iseldiroedd (n = 1), Periw (n = 1), Portiwgal (n = 1), Singapore (n = 1), a Sbaen (n = 1). Cynhaliwyd un astudiaeth ar draws sawl gwlad gan gynnwys y DU, Latfia, Gwlad Pwyl a Phortiwgal.
- Fodd bynnag, roedd dulliau ymyrryd yn amrywio'n sylweddol, roedd pob un yn cynnwys elfen addysgol. Ymhlith y dulliau roedd y rhai â chydran rhwng cenedlaethau (n = 4), y rhai a gafodd eu hymgorffori mewn gwasanaethau presennol (n = 3), a'r rhai a greodd feddalwedd cyfrifiadurol wedi'i theilwra (n = 2). Ymgorfforodd un ymyrraeth gêm ar-lein, ac roedd un ymyriad wedi'i anelu yn benodol at addysgu cyfranogwyr i ganfod twyll ar-lein. Dosbarthwyd y 10 astudiaeth sy'n weddill fel ymyriadau addysgol mwy traddodiadol.

- Roedd y mesurau canlyniadau yn cynnwys: mabwysiadu technoleg, llythrennedd digidol (gan gynnwys dirprwyon ar gyfer llythrennedd digidol), canfyddiadau cyfranogwyr o ddefnyddio technoleg (gan gynnwys galluedd eu hunain), derbynioldeb ymyriadau a chost-effeithiolrwydd.

#### *Canfyddiadau allweddol a sicrwydd y dystiolaeth*

- **At ei gilydd, adroddodd yr holl astudiaethau ganfyddiadau o blaid yr ymyriadau.**
- Mae tystiolaeth sicrwydd isel sy'n awgrymu y gall ymyriadau llythrennedd digidol gan gynnwys ymyriadau sydd wedi'u hymgorffori mewn gwasanaethau presennol **gynyddu'r nifer sy'n manteisio ar dechnolegau digidol mewn oedolion hŷn.**
- Mae tystiolaeth sicrwydd isel sy'n awgrymu y gall ymyriadau llythrennedd digidol traddodiadol ac ymyriadau sy'n ymgorffori gemau, meddalwedd cyfrifiadurol wedi'i theilwra, dulliau pontio'r cenedlaethau, neu addysgu sgiliau llythrennedd digidol penodol (canfod twyll), **wella llythrennedd digidol fel canlyniad annibynnol, ac amrywiaeth o ddirprwyon ar gyfer llythrennedd digidol.**
- Mae tystiolaeth sicrwydd isel iawn y gall ymyriadau rhwng y cenedlaethau wella **llythrennedd e-iechyd a lleihau technoffobia** mewn oedolion hŷn.
- Mae tystiolaeth sicrwydd isel sy'n dangos **bod ystod o ymyriadau fel y rhai sy'n defnyddio meddalwedd gyfrifiadurol wedi'i theilwra, dulliau pontio'r cenedlaethau, y rhai sydd wedi'u hymgorffori yn y gwasanaeth presennol ac ymyriadau llythrennedd digidol traddodiadol yn effeithiol wrth wella hunan-ganfyddiadau cyfranogwyr.**
- Mae tystiolaeth sicrwydd isel i awgrymu bod **oedolion hŷn yn derbyn ymyriadau addysgol.**
- Mae tystiolaeth sicrwydd isel iawn i awgrymu y **gallai ymyriadau addysgol fod yn gost-effeithiol.**

#### **Goblygiadau Ymchwil a Bylchau Tystiolaeth**

- Roedd mwyafrif yr astudiaethau sydd wedi'u cynnwys yn yr adolygiad hwn o ansawdd isel.
- Nid yw'n glir a fyddai canfyddiadau astudio yn gyffredinol i'r DU.
- Roedd mesurau canlyniadau yn heterogenaidd ar draws astudiaethau gan ei gwneud hi'n anodd cymharu'r canfyddiadau'n uniongyrchol.
- Dim ond un astudiaeth a asesodd gost-effeithiolrwydd ymyrraeth addysg ddigidol.
- Ni wnaeth unrhyw astudiaeth adrodd ar ymyriadau i fynd i'r afael â rhwystrau iaith, er enghraifft, y gall pobl nad Saesneg yw eu hiaith gyntaf eu hwynebu.
- Nid oedd unrhyw astudiaeth yn canolbwyntio'n benodol ar ymyriadau i wella mynediad at, neu fforddiadwyedd y rhyngwyd a thechnolegau digidol i oresgyn allgáu digidol.
- Mae angen ymchwil pellach o ansawdd uchel yn y DU i ddeall effeithiolrwydd a chost-effeithiolrwydd ymyriadau ar gyfer mynd i'r afael ag allgáu digidol mewn oedolion hŷn yn well.

#### **Goblygiadau Polisi ac Ymarfer**

- Amlygodd yr adolygiad cyflym hwn **fanteision posibl ystod o ymyriadau addysgol aml-gydran cymhleth**, yn enwedig o ran gwella llythrennedd digidol, ac mae'n awgrymu bod oedolion hŷn yn derbyn yr ymyriadau hyn.
- Er mwyn lleihau allgáu digidol ymhlith oedolion hŷn, mae tystiolaeth yn awgrymu y gallai fod yn bwysig sicrhau bod rhwystrau strwythurol, megis mynediad i'r rhyngwyd a fforddiadwyedd dyfeisiau yn cael eu dileu. Fodd bynnag, dylid ystyried ac asesu cost y ddarpariaeth.
- Gall ymyriadau addysgol helpu i leihau rhwystrau canfyddiadol o ran technolegau digidol sy'n cyfrannu at allgáu digidol (gan gynnwys diffyg hyder, ofn a phryder, neu ddiffyg gallu canfyddedig).
- Mae'n bwysig ystyried y dylai oedolion hŷn feddu ar y sgiliau i wneud dewis gwybodus i ryngweithio â gwasanaethau hanfodol yn gorfforol (all-lein) neu'n ddigidol. Gyda digideiddio cynyddol gwasanaethau, mae'n bwysig nad yw aelodau hŷn o'r gymuned nad ydynt am ddefnyddio technolegau digidol, yn cael eu gadael ar ôl neu dan anfantais.

### **Ystyriaethau economaidd**

- Mae'n bwysig ymchwilio ymhellach i gost-effeithiolrwydd cymharol a derbynoldeb datrysiadau gofal cymdeithasol digidol yn erbyn y gofal personol traddodiadol.
- Mae sylfaen dystiolaeth bresennol fwy o ran lleihau allgáu digidol mewn datrysiadau gofal iechyd na datrysiadau gofal cymdeithasol.

Canfuwyd bod datrysiadau technolegol i wella llif data cleifion rhwng iechyd a gofal cymdeithasol yn Lloegr yn darparu buddion ariannol a buddion i gleifion.